

閩
中
書
畫
錄

閩中書畫錄卷五

上海鹽黃錫蕃叔升輯

明二

裴銡

裴銡字台鼎一字良器建安人宣德庚戌進士官翰林編修著有蒙齋集十卷福建通志

裴銡博學善詩字畫通勁間書

林文

林文字恒簡莆田人宣德庚戌進士第三人授行在翰林編修正統初與修宣宗實錄陞修撰英宗復位拜學士終太常寺少卿列卿記

林學士文題張氏手澤記詞翰皆實勝王世貞國朝名實遺墨跋

林彬

林彬長樂人宣德中貢士任和州以善書預修大典開書

鄭克到

鄭克到福清人善畫馬得韓幹趙仲穆筆法宣德間徵入京師
賜御畫福州府志

鄭時敏

鄭時敏將樂人善山水宣德間應召至京稱旨大承寵幸官錦
衣衛鎮撫有顯官久京師母未迎養思親入夢時敏丁艱歸往
謁顯官弗為禮敏請筆楮繪作萱花題云萱草堂前久未過祇
因遊宦隔山河莫言兒有思親夢親若思兒夢更多顯官為之
感泣即日乞養福建通志

鄭文英

鄭文英將樂人工畫人馬學趙承旨得其大畧延平府志

鄭文英宣德間官錦衣衛世襲鎮撫新時敏之姪時敏善山水
文英能世其業 將樂縣志

周文靖

周文靖閩縣人

福建通志作長樂人則繪寶鑑無聲詩史俱作莆田人

善山水蒼潤精密

筆力古健醞釀墨色各臻其妙山水學及珪吳鎮人物花卉竹
石翎毛樓閣牛馬之類咸有高致宣德間以陰陽訓術徵直仁
智殿御試枯木寒鴉第一授大庾縣典史歷官鴻臚序班周書
周文靖山水堪配謝廷循周繪寶鑑

周鼎

周鼎閩縣人文靖子文靖善畫官鴻臚序班鼎亦善畫徵襲錦
衣衛鎮撫周書

李在

李在字以政莆田人精繪山水學營丘而墨氣淋漓得煙雲畧

需之趣峰巒八面可觀吳浙間多珍之者宣德中興戴文進謝廷循石銳周文靖同侍詔直仁智殿福建通志

李在山水細潤者宗郭熙豪放者宗夏圭馬遠多摹倣古人筆氣生動四方貴其尺牘間畫記

林景時

林景時長樂人福建通志王典自號虛白子工山水專學二米間畫商高竹木林泉有意外趣間畫記

王錫

王錫字克剛長樂人任歸善知縣工草書號醉然間畫

鄧文明

鄧文明號續劉琦廬朝陽

俱沙縣人善制毛工巧處絕似景昭沙縣志

逢孟元

逢孟元沙縣人善山水人物延平府志

王人佐

王人佐字良才號梅泉將樂人善寫梅

顧執詞索

王人佐家傳寫梅隨題其上名或海內片紙如珍國繪寶鑑續纂

王人佐畫梅枝葉點綴多神王冕筆稍近俗耳聞書記

王人佐善畫竹石蘭草尤工於梅生平氣度瀟爽喜吟咏者有倦遊草稿一卷將樂縣志

羅汝文

羅汝文沙縣人善山水聞書記

解琇

解琇興化人能旋佛光不以規矩成祖選繪報恩寺廊壁興化志

解洪

解洪善山水人物雜科極其精妙號一聲興化志

周瑩

周瑩字次玉莆田人正統己丑進士歷撫州知府歸閒居三十年居官不廢吟咏音調清麗有郡齋新書法亦流麗莆田縣志

詹滌

詹滌字子深浦城人善畫竹菊正統中貢入太學官潮州教授同書

溫良

溫良字元吉晉江人學問該洽工晉唐書法正統中舉於鄉授中書舍人預修宋元經鑑一統志英宗嘗錄李東陽稱其書法有李北海趙文敏之風廟學編

溫良字允仁正統丁卯舉人能文章又工於書稱士乞書者至滿屋壁片東集字重於鑑金清源文獻

溫良字元善號敬齋嗜六書兼精畫筆

閩志

趙榮

趙榮字孟仁閩縣人正統間以楷書生員授中書舍人直文淵閣迨英宗還為工部左侍郎名山歲

陳敏

陳敏字思懋正統中為彭澤教諭工真草書文辭敏時年推重

閩書

蘇鎔

蘇鎔字良琰別號守愚性敏好學善柳書法正統間人建甯人

物傳

蘇鉅

蘇鉅字良聲號竹坡建安人伯厚從子善植善止吟咏善楷書寫竹石花木山水皆極其妙閑門終日不干世事一時隱逸有

才行者必稱鉅云著有竹坡集

福建續志

蘇鉅鎔從弟善楷書建甯人物傳

黃源

黃源清流人由舉人為汝寧教授能文善書少有述作
汀州府志

徐叔礪

徐叔礪善詩能草書正統間薦於朝不起遂終身焉
歐陽永叔興化府志

李叔義

李叔義字文宜閩人為康昌訓導遷南御史終貴州僉事工詩
善丹青
閩書

胡應奉

胡應奉龍溪人曲靖府經歷善詩文精篆隸真草書
閩書

蕭敬

太監蕭敬南平人英宗初以長隨侍使殿孝宗朝入掌司禮進觀典籍能詩好草書名山藏

黃道

黃道字孟東莆田人為祁陽縣儒學訓導善書畫尤吟咏別敬祁陽縣志

何觀

何觀晉江人景帝初為中書舍人謫九谿衛經歷轉知家山縣致仕歸善草書嫁女無以為奩與書一麓隱跡古元山中不聞俗務鄉人高馬名山藏

盧諱

盧諱字深谷龍溪人景泰庚午舉人以善書名里人林雍稱其按紙和墨略不經意而端莊中度俊逸瀟灑卓乎自成一家受

知憲字授中書舍人賜鉉賜幣終禮部貢外郎元孫振明重錫
其叔古于文楷法方可二寸許結體大方用筆秀美合平原誠
懸而變化出之今版猶存先正典型於此可想風概矣 漳州府
志

林宗道

林宗道字仲學景泰間領鄉薦為文詞氣豪逸尤善隸書晚年
用筆益蒼勁間書

張端

張端字正夫將樂人少負才名景泰間以為辟官禮部鑄印局
副使直南薰殿善草楷書尤工篆隸瓊山邱濬嘉其留心古學
作考隸辨以遺之比歸復進以詩所著有宦傳錄直庵漫稿福
建通志

洪昌

洪昌字汝言晉江人為常州府學訓導經學純正議論雅宏長
詩文善草書問書

余重模

余重模將樂人善飛白大者如益宗考亭水坡法楷草似祝枝
山陳白沙海內傳寶之尤精墨竹善吟咏善奕棋家貧常結客
遇風流名士恒流連不倦泰邑江日彩貧未第時模特為創樓
以居之同學子我為古文詞辛年八十九將樂縣志

陸澧

陸澧興化人善畫魚興化志

任材

任材善水墨禽鳥松竹有林良夏景遐庭章之風興化志

鄭麟

鄭麟福清人以畫名於時八閩通志

鄭環

鄭環福清人父麟善畫善醫環世其家學醫術尤精問書

林時詹

林時詹名洛以字行莆田人善畫山水天順六年召詣京師或
化初賜冠帶直仁智殿明年除工部文思院副使年七十得請
歸書畫記

許伯明

許伯明莆田人擅花鳥竹石之類與林時詹同被召為文思院
副使書畫記

鄭昉

鄭昉字景暉建江人天順間以貢為四川叙州通判性廉介不
入一錢有富民証貧民戍邊昉白其寃名聞達通滿九載罷歸
名其窩曰釋鋤暇則澆墨有達福建通志

唐林能

唐林能

字必泰清城人自幼酷好丹青弱冠遂精其業

繪畫山川樓閣人物之類濃淡蒼潤曲折皆出新意天順間召入京師成化改元授工部文思院副使直仁智殿錄畫清城縣

王佑

王佑字彥貞號主石道人

建陽縣志云別建陽人性資超邁雖尚

文學好交臂一時才俊尤善草隸吟詠并墨竹及陰陽地理之術

陳子和

陳子和清城人

清城志作建安人自號酒仙

性倜儻不事家人產嗜酒善畫

酣後縱筆為山水人物花草翎毛皆稱奇絕

清城縣志

陳子和專工人物筆散逸不墮俗格山巖樹木奇怪蒼潤詳者謂在吳偉郭樹之間

清城志

徐鑑

徐鑑字本昭邵武人丰神滿瀟精繪山水墨氣淋漓得理堂掩
竊之趣獲其片紙若獲拱壁王顯常師之 周畫記

胡梅

胡梅號東池邵武人善畫山水以清遠自奇與王西涯並為一
時名手 邵武府志

方癡仙

方癡仙邵武人精傳神裸投筆常遊於外暇則禪誦為樂後
人傳其術亦曰小癡云 邵武府志

楊達仙

楊達仙泰甯人精於畫不由師授凡山水花鳥竹石俱以己意
點染窮神盡妙見者難之曰子畫無一筆似前人達仙曰子惟
一筆不似前人所以高於人能持自作親自題其題紅梅云丹
砂飛去藥爐空虛皆仙人九轉功幾度撥雲弄不見邵於枝上

弄春風自號紫髯山人亦稱霞寺仙侶亦著十六洞天聖人碑
武府志

王熙 麻雲漢

王熙號碧峰麻雲漢號若仙俱邵武人於書頗有淵涉之致兩
人皆稱名筆邵武府志

蘇洵

蘇洵字景濟既富人成化改元詔起經明行修之士洵應詔預
修憲宗孝宗實錄以疾辭歸書法備諸體寫染俱精妙所著有
貽拙集燕遊倡和集福建通志

陳埈

陳埈字文厚閩人福建通志作後官人成化辛卯鄉貢性素宏疎曠工詩
喜行草書達官奇人求不能得至具酒脯屬田父野叟反得之
自號棲雲史閩書

林俊

林俊字待用莆田人成化十四年進士授刑部主事遷署海外郎僧繼曉以祕術幸上發內帑數十萬為建永昌寺西華門太監梁芳主之臺諫莫敢言俊上疏直諫大震都下傳華有繪圖而驚者世宗時為刑部尚書贈少保諡貞肅名山藏

林俊書宗蘇米頗得筆勢書史會要

陳壽徵

陳壽徵以字行莆田人工數體書尤善八分問書

陳壽徵業經方古又工書性周慎端慤自貳年以至老白無少改度林貞肅俊開壽徵名以為墨客也與之談筆致而壽徵時時以詩法質之俊有咏亦壽徵為和以故習俊書即其畫亦通類不能辨會好事者私以軸一通請壽徵作俊字壽徵謝之曰若以我為賈人名色神絕不為作俊開名其子連語之曰壽

徵慎行愛及點畫因延致家塾嘉靖改元後起家復用格壽徵
偕行以母老辭安贈詩云桃李春風面江河秋水篇平生與方
在湖陳汝瀾往來俊秀稱為三君子云卒年八十二 莆田縣志

林廷玉

林廷玉字粹夫侯官人成化甲辰進士官至都憲 福建通志

林都憲廷玉善學篆書湖山勝處多存手蹟有詩集行世 華精

陳晦

陳晦字待徵莆田人成化丁未進士官江西參政以忤劉瑾致
仕善寫山水為時所重 閩畫記

陳輝

陳輝字文耀號耻菴閩縣人成化時官浙江左轄志尚行潔妙
翰墨善吟咏片言隻字為人寶惜書史會要

方炯

方炯字用晦莆田人學醫于蜀人虞仲文能詩工書自號香翁
八閩通志

徐岳

咸化間有徐氏名岳年七歲穎異過人其父與客遊興慶寺楊
岳偕行客題詩命岳和之岳即索筆題云松菊寒仍秀梅花冷
更香夜來三尺雪清曉玉為堂又云風雨惜春殘閒庭獨閉關
白雲飛去盡還我老青山書法亦道勁客大慚嘆息咄曰其
所題至今壁間岳之道墨猶存名勝志

林紀

林紀字建肅閩人工畫山水能詩每尺幅題詠人競寶之閩書
林粵山紀善畫工詩官石城令歸與先君鄰居論交最密嘗賦
二律詩寄先君於京邸云花屏一別幾經秋錦里衣懷舊日遊
邨碑溪流春月急野亭路接古雲幽虛名自笑身為累往事徒

驚者是慈喜道看君高誼在暮煙回首思悠悠自憐野性生來
僻愛住溪山斷俗氣林下一節穿鳥出沙邊半點與鷗分野僧
久別詩還寄鄰老頻過酒又釀日送征鴻度天碧悠悠巖際有
歸雲遺稿散遺二詩曾書扇頭余至今寶藏之筆精

魏時敏

魏時敏莆田人家貧初為縣從事好畫山水作詩歌用瑛黃仲
昭雅重之延譽縉紳間達謁選家軍尹是試以詩有簡拔自擢
非漢吏威儀今喜識月官之句得無錫亟改桃源致仕歸有竹
溪集補建通志

余聞燈市有魏竹溪詩多雋永可味佚其半得之郭聖僕令璧
焉初不知竹溪何人也載讀其序言則家學憲朱新先生筆乃
知竹溪名時敏少遊鄉校以才辟為邑從事治文書之暇不輟
翰墨或揮毫作山水而尤篤於詩好至皆有題詠致政里居惜

紳學士多與酬唱年八十餘未嘗一日廢吟事黃氏增訂筆精

徐貞一

政和徐貞一號玄虛子能詩嘗遇仙霞劉嗣吏訝其異服執之
貞一瞪目不答吏繫之郵亭迨夜始守者出袖中出大筆書二
絕於壁云一劍凌空海色秋玉皇賜宴紫虛樓醉來跨鶴須彌
頂指點培塿見十州碧殿歌傳阿溫堆玉笙吹徹海桃開仰天
一嘯江山發笑接白雲歸去來永夜迢迢去晨起感傳仙人至關
吏看墨蹟不能於道筆精

柳濟

柳濟字孟淵德化人善楷書書史會要

俞奇遠

俞奇遠沙縣人世業翎毛精于花鳥延平府志

許美

許美甫田人以明經薦為國子助教有文才善書

莆田縣志

張經國

張虛舟

陳二蘭

楊行素

黃君家

洪石秋

有明漳人之善書者必推張經國八分張虛舟草書陳二蘭楊行素行書黃君家洪石秋草草亦稱道妙

漳州府志

王仍縉

王仍縉字伯雲漳浦人王道州會之曾孫也為邑諸生善大書

著有吾廬草

漳州府志

陳重器

陳重器字鎮况海澄人善書工詩為邑諸生或曰舉於鄉

漳州府志

廖輔

廖輔字舜元統東山長汀人弘治二年貢知壽州政事明敏善

詩工草書有張東海筆意為時所珍董宣贈以歌云吾州草書
天下雄翰林風月羅心口筆鋒清勁奪天巧造化到此全無功
汀州府志

陳伯獻

陳伯獻

明畫記云

莆田人弘治十二年己未進士南京吏科給

事中嘗疏逆瑞罪狀達廣西提學副使未幾以母老乞歸約致
才華翩然絕俗文近南豐畫亦摩詰所著有峰湖集若干卷
莆田縣志

周宣

周宣字彥通莆田人弘治乙丑進士授常德府推官拜監察御史
巡按山西世宗登大寶又為山西按察副使督學政三典文
衡甄拔多士擢廣東按察使尋擢左布政使宣好讀書精染翰
喜賓客內子恒稱珥佐之宣論文談奕日高未暮笑語融融不

知室之寔也著秋齋集若干卷 莆田縣志

周宣書絕似米南宮游居錄

郭總

郭總莆田人弘治間歲貢封川訓導工詩文尤善草書 莆田縣志

邵文恩

邵文恩字仁甫閩縣人工行草選直隸勅房又工山水師法北苑古雅可觀累官尚寶卿 閩書

蕭慈

蕭慈將樂人為諸生有文名嘗同熊成吳紳與修縣志尤善草書得鍾王法延守古杭鄒公素善書獨推數慈以書法為第一後以易經應歲貢將樂縣志

謝純

謝純字梅岐甌甯人天性聰穎文畫兩絕尤精兵法星占正德
亞魁為海州守仿造木牛流馬一鞭可行數十步海州有龍圖
之誦因巡方貪婪純以清介招尤遂棄官歸建甯府志

林鉞

林鉞字宏用晉江人官南戶部郎中出守太平與閩西呂梅相
友善善書能畫聞書

林鉞正德戊辰進士知崇仁縣請改折京見二米及守太平築
壩裁驛召民種田省浮費增倉穀奏免水旱災地清臺石所匿
田以歸於學及年士民祀之鉞善詩能書人寶重之福建通志

林達

林達字志道號槐香莆田人名山藏云正德甲戌進士歷官南
京吏部考功郎中與家宰爭揭禮挂冠都門歸工篆隸能古文
有自考集續莆陽文獻

林麟

林麟字質夫號石峰閬縣人通篆籀登正德丁丑選授大理評事分省人始考

高鑑

高鑑字孔明號時菴閬縣人

閬書記作侯官人

自稱種菊道人書畫史

高鑑正德中為清遠教諭工水墨山水間出花竹氣韵超逸出人意表子澂世其業而工過之閬書記

樂大護

樂大護字伯聲沙縣人

閬書記作正德間人

由監生授濟南府經歷博學

能詩尤工書畫書有四體千文法帖畫精墨竹得吳仲圭筆意

世孫戴延平府志

劉昌叔

劉昌叔福安人善繪畫其寫貌尤神書文會要

沈政

沈政字以政開縣人工花竹翎毛官主順天府丞直仁智殿圖
繪寶鑑繪卷

林埤

林埤字惟大開縣人工書畫選文進仕補建陽志

林埤字學松官而少勤五雜俎

張煒

張煒字德南開縣人官刑部郎書詩工書畫得法於米海翁而
參以己意其所題識至逾尋丈莫不極天然之趣五雜俎

劉祥

劉祥字瑞初號雪溪長樂人善畫龍虎精醫何書

林均

林均字惟堅侯官人善墨竹海內首其尺幅信陽何景明極推

重之贈以詩有臨風寫意奪天工之句及夏景出春遂稍遊閑

張士遠

張士遠長樂人善畫龍虎崖雁用墨設色俱入神妙開書記

林輔

林輔字叔弼長樂人善畫張士遠授以筆法山水花竹崖雁龍虎皆臻妙品開書

林文卿

林文卿號五堂侯官人工山水筆氣清勁灑淡得宜亦精於寫照及花竹人物之類開書記

黃楷

黃楷字任善莆田人詩文有別趣精於筆為草書及水墨花卉皆具興致後遊三晉卒於雲中莆田縣志

劉紀

劉紀長汀人善草書邑人鍾文俊贈以詩

汀州府志

廖煥

廖煥將樂人博學善屬文尤精書法聲動四方徵為秘書郎未仕而卒將樂縣志

李奇

李奇字正夫光澤人恩貢授教諭文章粹然有光正風格士多師事焉素履潔白溫恭之度使人可挹蓋為行君子也古直至佳詩亦清新有別致光澤縣志

閩中書畫錄卷五

閩中書畫錄卷六

海鹽黃錫著 吳升輯

明三

鄭善夫

鄭善夫字繼之號少谷閩縣人弘治十八年進士官禮部貢外郎武宗南巡偕同列劾諫杖於廷罰跪五日嘉靖改元薦起刑部郎中改吏部善書法工於詩力摹少陵閩中代擅詩文自林鴻高棅後閩百餘年善夫振之明史

鄭善夫字繼之古文會要閩縣人初為戶部主事劉瑾用事告歸築少谷草堂巖居六載起為禮部貢外郎復晉歸嘉靖改元薦起吏部郎中名山藏

善夫署書做踰病而自得五雜俎

善夫書法入神真行斟酌聖教狂草奔放縱橫瀾漫類素而下

弗論也書史會要

善夫創意點綴花草畫條性石得象外趣然絕不名其業以此人亦鮮知者書史會要

善夫間點染山水松石師法古人不落畫家蹊徑嘗戲作墨菊大如盆寬自題其上云大華峰頭玉井蓮開花十丈藕如船世間有此蓮安得無此菊時人珍之問畫記

羅洪先跋鄭善夫畫卷余少年不善畫以為無觸性情特不技耳已而聞其筆意則與書法相似其模形措意則又近於詩家於是始寓目其間然卒不能深解也山谷有物外之趣與視世間濁穢一若不屑迥獨魚長乎此將以游其心邪夫論百技者不專精皆不能有成而精易耗莫甚巧思由是言之吾不能不致懷於山谷之兼長矣念菴集

李天章

李天章字雲漢福安廩生以侃直忤當時臺舉子素稱珠漢書院建澄心亭遊咏自娛學問該博善詩文工書法與同邑郭相三山鄭善夫友善著東軒遺集福安縣志

魏煥

魏煥字文甫古田人慷慨有大節尤精書翰嘉靖己酉舉人授臨江判院檄清查十三府著聲時高盜悉橫計擒之民始安後為父老求歸養卒於家古田縣志

王煥中

王煥中字道思號南江更號遵巖

王世貞云晉江人

嘉靖丙戌進士授

戶部主事為古文詞與唐順之陳東蓀號八才子任至河南參

政名山成

煥中行草亦道逸而不措八法未脫塵氣藝苑危言

梁懷仁

梁懷仁字宅之晉江人生而慧絕週歲識字三歲誦書四歲善
草書吟詩子史經傳無不能讀十六貢禮部二十登嘉靖己丑
進士奉命賜歸要授南吏部驗封主事居三月死年二十三

方元洪

方元洪莆田人父正梁嘉靖辛卯鄉薦官趙府長史加秩四品
元洪聲律尺牘楷書有晉唐人風致莆田縣志

陳自然

陳自然莆田人壽徵子嘉靖丁酉鄉薦令四會自引歸為行工
書綽有父風聞書

黃文梯

黃文梯沙縣人學問該博善古文詞工草書嘉靖庚子舉人今
餘干調繁保昌縣至有忠政故仕歸談經啟迪有孟後學最多

福建諸志

鄭文賢

鄭文賢字宗儒福安人嘉靖十九年貢士博學善詩賦尤精書法仕湖廣布政司都事問書

車時俊

車時俊將樂人博物洽聞中庚子副榜以草楷書名將樂縣志

洪世達

洪世達閩縣人垣子世文弟嘉靖二十五年丙午鄉試第一後改名世武福建通志

世達舉鄉試第一官終評事能詩善畫榕海舊聞

陳所有

陳所有字彥冲莆田人嘉靖丙午鄉薦授合浦令性簡傲以詩歌自喜精行草書每自署其號曰四樓一日直指使者按學至

廉慕所有名今作字所有竟不署名署四樓以進梯直指意所有退而笑曰筆墨事按若乃視為縣吏奏北耶遂賦歸年七十餘縱遊金山西湖諸名勝多所題咏片紙尺卷人爭珍之有東蜀堂稿莆田縣志

王國相

王國相晉江人嘉靖二十五年舉於鄉官知縣善書法得蘇黃體清源文獻

林有壺

林有壺字德基號南山閩縣人與侄元立同登嘉靖乙卯鄉薦歷官戶部郎中能詩兼工山水於唐宋名人墨蹟靡不精考有南山集行世福建通志

林有壺精賞鑒多蓄古人名蹟間作山水竹木簡潔可愛側注記

吳文華

吳文華字子彬又字容所連江人嘉靖丙辰進士官南京工部尚書贈太子少保諡襄惠工草書明史

蔡一塊

蔡一塊字景明晉江人嘉靖己未進士除戶部郎出為湖廣僉事還廣東參議善小楷行草明書

蔡一塊有速致受法書在畫善小楷行草作墨蘭竹石其有意態曾僉事楚果尋還東粵參議解任後遊江河間十餘年敝履布衣莫識誰何也年八十餘卒無聲詩史

王朝佐

王朝佐字邦翰號一江云晉江人能詩善書畫文徵明見而賞歎曰此人在泉州可謂黃金與土同價明書

朝佐工山水學畫北苑米南宮自成一家明畫記

車索

車索將樂人善畫楷書學歐陽詢石經凡十二筆意皆得其解
將樂縣志

趙希朴

趙希朴字宋卿臨甯人客貧尚氣節工繪畫仿佛沈周尤善鼓
琴長于詩書題水簾洞曰散髮白髮三千丈亂舞狂風懶自梳
詞林莫不稱誦建甯府志

莊心賢

莊心賢晉江人幼穎慧寓真不出師授於面貌亦不作位置但
下筆必會其人之可傳者總攝其精神故寫生活現名著閩中
稱為虎頭後身泉州府志

黃克晦

黃克晦字孔昭惠安人閩書作善畫後發憤學詩以詩名嘗出

遊匡廬嵩岳縱觀江河泰岱之勝徘徊二京興沈嘉則王伯穀
商名其沒也黃克績刻其詩於聊城凡六卷福建通志

黃克晦家貧學畫復肆力為詩髣髴顏謝畫筆蒼勁開戶經月
成者尤可傳世間書

嘉靖癸亥知縣張大綱侍承奉顏廷桀惠安王克晦遊戴雲乙
夜方至顏詩云傳呼林外火成渡嶺頭天黃詩云鳥移驚樹火
僧度過橋人張詩云佛寂空留塚僧貧已種田山上有佛塚故
云詰旦欲登其巔適雨不果黃素以繪事稱復畫頌菩提達摩
折筆渡江于壁而去德化縣志

黃克晦少時於沙岸上畫沙作山水景物稍長往永春以畫投
顏左史廷桀荊曰子畫工矣然一藝士也何如學詩詩工則畫
非徒藝也乃於左史家學詩三年盡窺唐人之奧遊燕客於黃
鍾梅尚書邸鍾梅諱克績晉江人見克晦蕭寺題壁詩曰此名

士也遂與定交著有北平稿楚遊集匡廬唱和集四明沈嘉則
魏野謝茂秦皆布衣以詩名見克晦則自却步畫入神品在雲
林石田之間嘗曰林泉野趣第五領袖自號五野山人詩畫字
時稱三絕與周處士樸同祀三山烏石山忠安縣志

五野山人黃克晦工山水宗沈石田少學王朝佐而有得者詩
集小傳

詩中首有畫畫中尤貴有詩明泉州布衣黃克晦少善畫或謂
曰君工畫不能使畫重而工詩則畫重乃後憤學詩遂以詩名
與沈嘉則王百穀相上下間進詩話

黃克晦山水宗沈石田筆力蒼健著有五野詩集六卷 閩書記

曾守成

曾守成永安人嘉靖中以新會諭轉任縣令時以善書名會憲
臬臺倅以索書名涉匪求字公岸然草書數十幅以獻憲憲甚

竟為所中歸林所著詩文甚多惜未行世延平府志

伊天祐

伊天祐字順甫甯化人嘉靖間以歲貢知桃源縣俗尚鬼多淫祠有將軍廟香田至百十頃天祐至毀其像火其宇變其田為修城費華始寺朝望男女喧雜禁之不止一日突與至寺令僧各負一婦監送歸家自是慚愧無有至者邑歲積無碍官錢三千兩留為郡守壽吏以例告天祐曰此何言也不爾自天不曉自地為有積金三千尚云無碍者竟申請裁之天祐能詩善楷書福建通志

徐樞

徐樞邵武人嘉靖間為雷州通判工書法善吟咏

林天駿

林天駿字守良福州人嘉靖間官膠州知州小篆學李斯

謝福州府志

張一奇

張一奇字彥卿沙縣人自號散仙善翎毛山水名聞於時嘉靖間召至京畫使殿稱旨授錦衣千戶

閩書志

陳動

陳動善戲墨山水逼真三松興化志

簡詔

簡詔興化人山水人物民去俗調筆勢飛動物物有生氣興化志

黃漳

黃漳莆田人岳州通判能詩工文翰善畫

閩書

方仲子

方仲子字元洪莆田人貌短小而聲律尺牘楷書有唐晉人風

致新安汪道昆開府閩中延為記室 莆田縣志

王皋伯

王皋伯字宗舜號夢松閩縣人官南陵教諭工山水精畫秀雅
摹仿文待詔則畫記

詹仕顯

詹仕顯邵武人司教如皋能詩兼通繪事秋夜見盆菊影落屏
紙扶疏動搖濡墨就影寫之生態具足如皋志

楊英

楊英甯化人精畫樓閣山水尤長于古松 福建通志

楊英精樓閣嘉靖間屢徵直畫院不往自傷其目 閩畫記

黃嘉卿

漳浦黃嘉卿石齋先生父也家貧從外氏受學科精於性理與
朱子綱目善學案大書嘉靖倭亂軍衛編民戶出兵嘉卿年方

十八以大戶從智造戰艦特值卒叛嘉鄉拔劍斫兩平存莫敢
動事稍平部帥欲獻其功從之謀嘉卿笑曰丈夫不斬樓蘭邪
是乃欲以殺兩叛奴自責也不顧而去 漳州府志

茅鏞

茅鏞字廷紹興化人博通經史尤習六書法正德嘉靖間兩聘
纂修孝宗武宗實錄授博士弗受慕陶桑桑多植菊因號南窗
居士 福建緒志

傅汝舟

傅汝舟字木虛一名丹號丁戌山人一日扁老侯官人以詩名
工行草雅為王弼州所推重巡按李元陽嘗邀之談論古今應
答如響待以上客 董天工武夷山志

傅汝舟負奇才善草書尤工於詩好談金丹內養之術嘗寓止
止庵與山人江一源結為方外之友貽江詩云安得草堂移傍

汝溪光清映白綸巾江有相違却是秦人谷揭水紅橋看日斜
之句夷猶唐唱相契甚懽有丁戊山人摘集行世表仲孫武美
山志

高澈

高澈字宗呂號石門子又號霞居子

詩集小傳云侯官人善畫又號華仙子

家貧嗜酒日酣飲醉則散髮赤腳飄然舉弄又自號聶仙鄉有
宋子者瘡一歲弗愈一日澈造問之飲之酒酒酣宋出素請畫
澈寫菊數本倒垂懸崖香妥隱隱有飄拂流動之態宋冷然踈
爽因再請復寫奇石亭立雙竹凌空蕭蕭數葉風韵若有聞焉
宋躍起視之毛髮俱疎是日瘡就差時人語曰少陵有佳句不
若霞仙筆名山藏

高澈早歲善屬詞不樂舉子業孤潔一世上名海內善隸筆八
分名山藏

高淑善隸草八分書畫居逸品詩興傳汝舟齊名時稱高得畫
自取適意不受促迫遇其酣暢以繪素板之雖小大碑子可掩
而得也詩集小傳

高淑善屬文自號石門山人善畫尤工隸草諸體書嘗遊吏部
鄭善夫之門善夫死以遺文妻子托馬福建通志

高淑工山水花卉人物翎毛用墨濃潤運筆古雅出入宋元四
大家各造其妙刻畫記

高淑善隸草八分詩書皆逸品登岳陽樓殘雨數峯衝岳曉暮
雲孤樹洞庭秋亦有書意微勝八編

官贊

官贊字子選將樂人博學多才由恩貢選任溫州司理有政聲
賦性蕭灑工草書善丹青吟咏著述多有風致將樂縣志

王顯

王顯字希文

開元記云

邵武人性清衆所尤工丹青事母以孝

聞

王文祚

王文祚字祚之將樂人少歲貢平康南監除江西撫州知事居官清儉善書能文太守重之禮遇特優年耆致仕卒年八十九將樂縣志

徐梧

徐梧字鳳儀邵武人九歲能文郡守吳國倫一見奇之屢受知於督學聲華藉甚爲人湖沈純粹工楷書及大字善古文詞操筆即成神閒思逸有超然自得意著有四書近言邵武府志

黃用中

黃用中字道行

開元記云

邵武人能詩善書時寫意作山水尤

妙拉釋唐詩卷十卷行世

福建通志

黃岡中作山水作石天趣不有書入逸品周書記

雷鯉

雷鯉字白波國繪寶鑑云字惟化號中雷建安人寫山水花草老筆蒼然善

詩工篆隸嘗遊橫山有天風醉花鳥之內建甯府志

雷鯉建甯府庠生善畫山水人物詩酒陶然四子肯之人云有米家風味國繪寶鑑

雷鯉以詩畫名與沈石田同時江以西重之北於江左之石田詩集小傳

宗周

宗周字思兼號魯山子閬縣人官餘姚主簿工山水專學石田間做高房山不墜俗格周書記

伍福雲

伍福雲清流人居常淡素工舉業草書欽筆水東山水欽沈石

田皆化其蹟詩不刊靡麗尤善廣陵散遠通烈帶益繁素崇業
作五岳遊迹隱居蓮華山福建續志

陳良楚

陳良楚晉江人善詩書策杖遊吳越未為鍾鍾惺前後招邀入
社有詩集行世福建通志

李坤

李坤將樂人年少不羈倣脫物表工詩善草書遊吳越燕趙間
遇鍾伯敬林茂之皆點重之著三本草歸漳草藏於家 將樂縣志

韓廷錫

榕庵在烏石山之陰明邑諸生韓廷錫讀書其中著榕庵集刻
版皆其手書篆隸內二榕門叢竹萬竿參差為戶養後有石床
左有二石泉方不盈尺大旱不涸上錫常泉二字廷錫字晉之

為晉學鍾惺首拔士與閬縣李時成永福黃文煥同負時名
城景物考

王戶

王戶字有棠侯官人能詩善書篆隸

福建通志

郭天中

郭天中字聖僕莆田人性至孝孤情純煦迥出流俗購蓄古法
書名畫不事生業專精篆隸之學窮巖斷碑搜訪兼備閉戶冥
搜寢食俱廢晚年隸書益進師法秦漢毋沒并城東郊做居其
側風雨蕭然不肯去故人泰和楊嘉祚守維揚延聖僕贈以千
金即以買歌姬數人購書畫古物并散給貧交緣素而盡諸姬
中有朱玉耶工山水師董北苑李陀工水仙直追趙子固疏
牋集几案羹蔬食談諧既暢出二姬清歌以娛客或遇高人程
孟陽華流覽點染指授筆法鍾伯敬贈詩曰姬妾道人侶孰非

荀士家亦實錄也詩集小傳

陳璠

陳璠晉江人為人磊落奇氣盡滿疎閒放有未期促迂道法
泉州府志

陳于王

陳于王晉江人工篆隸善詩畫錫刻圖章尤精雅絕倫今閩元
寺粉書八分書紫雲屏是其遺蹟也福建通志

王興

王興泉州人能畫佛像及大書泉州府志

郭漢

郭漢字本昭號悅樂晉江人居家孝友襟期灑落善繪山水翎毛
魚蝦成象喜草書岸信諸家隨時變易人莫驗其筆蹟嘗題其
壁曰安分身無辱知機心自閑每花朝月夕偕同志觴咏自適

於勢利淡如也年五十一卒 東州府志

李茂枝

李茂枝永安庠生放情持酒善畫墨迹精於人物京省得其圖
像謂道子復生 延平府志

林一清

林一清字源潔甌甯人善繪事筆法蒼古年八十餘信手揮染
無不妙絕 建甯府志

蕭琛

蕭琛 縣志 將樂人以山水名得唐伯虎筆意尤善畫馬 延平府志

董九華

董九華閩人善畫像虎門集

樂純

縣純院雪庵沙縣人善畫 延平府志

伍金祚

伍金祚字明允晉江人幼負奇姿長而倜儻喜通漁獵經史書及歌曲然竹靡不兼通讀劍經因而學劍術卒以非世業棄之素好臨池楷法能臻其妙又精於行草凡晉唐獨本以及名公真蹟一臨摹輒得其神遊於粵而卒 安平志

李元道

李元道晉江人善寫竹間書

傅金山

傅金山南安人善畫策間書

邱雲霄

性本聖謙字爲邱字中如遇聖時仍謹避以和原字

邱雲霄字于上崇安人博極羣書精詞賦不草隸以明經授粵西柳城令莊事首先文治有庶能聲僅逾歲遂解官歸結茅于

止止庵側司自別曰止山葉親芝鞋諸勝鮮不剽歷試一時之
文獻士流之師表也臺司或或其廬所著有止止文集數十卷
行世舊之邑乘蓋其筆也哀仲謫武夷山志

李鍾衡

李鍾衡晉江人工詩文有畫譜作翎毛花石生趣非一狀呂健
稱其神腕泉州府志

何龍

王建章 蔡應綿

何龍王建章蔡應綿與李鍾衡同時皆以善寫為一時之絕藝
泉州府志

羅克俊 羅克敬

羅克俊克敬永安府生兄弟乳行好學各長詩賦克敬家遠相倡
和鄉人士師事之裁成者眾著有淡如集間然錄易論等書延
平府志

鄭夢栢

鄭夢栢字明甫別號龍山福清人隆慶庚午舉於鄉除甯晉教諭擢南國子助教為新州知州酷愛草書學懷素大得神解
實華

俞必興

俞必興沙縣人工翎毛明畫記

俞恩

俞恩必興子亦能畫明畫記

陳价夫

陳价夫字伯儒閩縣人性曠達好吟咏尤精書畫所著有持隱樓稿福建通志

柯著 吳河

柯著字景明惠安人教諭熙之子風骨嚴峭善墨梅為槎枏者

幹橫斜疏瘦之勢精神絕出同時同邑有吳河萬水者善墨菊
作傲霜園露二體尤盡其妙二人家徒四壁終不肯向人作寒
乞聲聞者

李無惑

李無惑同安人善小篆為翰林待詔蓋斯公陽冰之後未見其
比其勁健端好又過於陽冰士大夫家藏之以為寶事實類苑

黃學沐

黃學沐晉江人善楷書初學晉人後復益以歐虞顏柳書法有
名當世何鏡山集

王弼

王弼小名咸世晉江人工詩文書畫尤善塑土寫真及指仙佛
像獨造其微雖河尼哥劉東元黎帝脫活者不能過也泉州府
志

鄭顥仙

鄭顥仙州人畫人物頗野放 國繪寶鑑附錄

李源

李源號小山又號松山上杭人善作風雨歸舟圖筆氣滿散間
畫記

李源工翎毛山水上杭縣志

曾一陵

曾一陵長汀人書工八分汀州府志

何雪湖

何雪湖福甯人善畫龍虎 福甯府志

何雪湖畫龍虎妙得氣韵 畫史會要

周廉

周廉福甯州人善繪工翎毛自重不輕售 閩書

周應善畫鷹鸞之海上見孤鷹立石上揮毫摹擬其勢如真福甯府志

史朝定

史朝定晉江人善畫美人及寫真開書

嚴宗儒

嚴宗儒邵武人精於畫尤精佛像今寶嚴寺壁上猶有遺筆見者莫不嘆賞嘗語人曰百輩媚等一幹枯枝墨則兩潤彩則霞鮮飛鳴棲息動靜如生悅性抒情工則入逸斯為神品福建通志

黃祥

黃祥號水雲邵武人工書畫深淡勻停儼有生氣嘗作字女一圖畫至六七百人其所繕所服所事絕不重複時稱奇絕福建通志

或接

或接字汝晉霞浦人工篆隸草書能詩善琴子集約博釋義二
卷福建通志

李亦

李亦福安人善書畫出遊繪思規望雲圖繪紳士之福安縣志

林裕

林裕善畫阿書

劉滋

劉滋善畫鷹尤長於竹阿書

高坤

高坤福安人工于畫梅古勁清奇人稱高坤梅福安府志

閩中書畫錄卷六

閩中書畫錄卷七

海鹽黃錫蕃校升輯

明四

袁表

袁表字景從閩縣人萬曆初授中書舍人遷戶部郎終參平知府詩集小傳

袁表善書唐氏小辨

蘇眉山

蘇眉山字志乾莆田人順天鄉薦知新會縣萬曆初卜居于沙長於吟咏尤善臨池延平府志

游廷柏

游廷柏福清人萬曆舉人以戶部郎中出守永州識精才朗善詞賦兼精行草其於法紀持正不阿尋告歸永人懷焉永州府

志

溫顯

溫顯字公宣號純菴良之玄孫萬曆庚辰進士官戶部員外郎工楷書行草間書

吳獻台

吳獻台字啟袞莆田人萬曆庚辰進士擢順天府尹致仕重厚恬淡與人無忤邑稱長者魏璫時擬以工部侍郎推用者力辭不復出優遊壺山散城間與諸老為詩文雖集字通類有法年八十餘卒莆田縣志

葉向高

葉向高字進卿又字臺山福清人萬曆癸未進士禮部尚書東閣大學士贈太師諡文忠工書法福建通志

李開芳

李開芳字伯東

蒼霞徐平水
別號運來

永春人萬曆癸未進士歷兩廣江

西藩臬著有天風堂集數十卷善指體書工畫人稱為鵬池先生
福建通志

李開芳萬曆癸未進士授主事累遷南太僕卿臨池之技縱橫
跌宕不減素師游戲山水氣韵風生蒼霞徐平

開芳好以篆隸八分作書自謂得斯道遺意體勢雖涉奇怪
表文之字略無怯澀亦人所難書史會要

李開藻

李開藻

神宗

龍華寺碑金陵朱之蕃撰永春李開藻書
錄水亭

雜識

陳翰臣

陳翰臣字子卿莆田人十歲能文十二歲能作篆隸萬曆乙酉
領應天鄉試以詩謁司寇王世貞大見賞識嘗選勝於梅峰建

寶庵書冊撰記勒石時稱雙絕年三十九卒所著有三秀集三卷未爲集五卷北遊稿三卷石室雜咏一卷福建通志

林先俞

林先俞字咨伯莆田人萬曆己丑進士由庶吉士官至禮部尚書好學東修雅負物望詩集小傳

亡友莆田林嘉璣字衡者述其從祖文簡公善書法魏忠賢款請不與忠賢璣詔命公題扁公大書畏天堂三字題曰禮部尚書某奉旨書時忠賢出餅啗公云出手製公以南人不慣食麵辭忠賢方銜之公遽請歸里陸見德陵謂曰長尚書乃欲歸耶賜之蟒玉以公儀表頎而長也詩志居詩話

陳勳

陳勳字元凱閩縣人萬曆辛丑進士除南武學教授歷戶部主事權厯陵嗣皆有善政當時士大夫多樹棠蔭勳特立孤行無

時依傍轉郎中托疾歸杜門却掃以文翰書畫自娛起結興守
未任卒著有元凱集四十卷聖卧齋雜著二十卷福建通志

陳敷魁庚子年且鄉會榜歷文學博士戶部郎謝病歸終日扁
戶却掃嘗一至烏石山聞客聲即走談佳山水心輒動吳客輒
不住其友董見龍曰世皆知子直須以環堵為天地即日月山
川皆為虛談矣大笑不為意指庭間花石瓦水盆曰此非吾之
五嶽江湖耶其意趣如此多才善畫妙有詞翰雖不出戶庭日
攄攄筆硯間有以自適其枯筆造次必擇言不為近語詩入唐
人室字與畫皆精妙人寶貴之見龍評曰請所作如入清溪棹
曉月兩山倒影蕩漾於棹楫之下而空明激射如近如遠其清
言瑩骨雖步緩邇不失八寸斟酌於古今之間動中倫應亦似
其為入清溪小品

謝肇淩

謝肇淛字在杭長樂人萬曆壬辰進士歷官粵西布政工書法學無所不窺為文豐腴軒森古文詩教早年傳名江左著有小草齋詩文若干卷雜著數十萬言福建通志

謝肇淛字在杭長樂人萬曆壬辰進士除湖州推官量移東昌遷南京刑兵二部轉工部郎中管河張秋陞雲南參政歷廣西按察使至右布政詩集小傳

在杭草聖如張伯英行書如玉右軍蓋歲釋褐宦情泊如朱輪倚時即攜一編高坐匡牀命侍姬焚龍涎吸清茗半盃臨蘭亭一過小草齋集小傳

曹學佺

曹學佺字能始侯官人萬曆二十三年進士歷官廣西右參議南京繼復唐王立于閩進尚書加太子太保後殉國雜詩文集富樞名石合集萬曆中閩中文風最盛自學佺倡之工草書明

史

曾學佺字能始號石倉僕官人萬曆己未進士仕至參議副使
除名後家居二十年殉節而死著述甚富如名勝志十二代詩
選西峰字說石倉諸集皆或行於世其有略氣節前人評之詳
矣而未有及其書者余曾見吾竹居處所藏石倉草書真幅三
石亭看梅之一詩云梅花雖耐冷亦藉暖為香看去千林雪煞
來十日釋山中無盡藏庭際有餘芳三石崔巍狀衝高似馬當
入關以來我記真蹟不下數十幅無不精妙石倉圖書書者諒
亦為他所掩耶周維紀

石倉天才典贈研討精深力追正始響遠關元其書法尤氣度
春容妥帖排慕官至四川參政家居殉節無愧全人乃知公藝
事多能不但以品望氣節重也其便面詩云孤城迴谷口高門
俯川涯南北相望處江天欲暮時雲從蒼嶺斷客與白鷗期清

晏情無已風流今在茲
以長卿先生並為屠夫部
山水作也
從而銘心錄

張瑞圖

張瑞圖字二水又字長公
閩人內閣副榜善書畫山水
法黃大痴
圖繪寶鑑續纂

張瑞圖泉州人萬曆丁未
廷試一甲第三名及第天啟
丁卯召入內閣書法奇逸鍾
王之外閣一蹶還亦賜素之
雲仍也畫山水蒼勁有骨無
聲詩史

李光映云張公畫罕見書幅
甚多相傳張係水星懸其書
室中可避火厄亦好奇者為
之無聲詩史

陳元藻

陳元藻字國鑑莆田人萬曆
庚戌進士禮部祠祭主事會
日食疏言陽格于陰刑餘之
人豈可使預國事魏瑞志喜
欲置之死

首輔葉向高力執得免分守廣東雷瓊廉時寄其子云人言雷
州出萬子不見一尺人言雷州出珠子不見一粒唯瓊州有邱
文莊集可寄汝耳權貴州市政使以父老疏乞歸養結茅於梅
峰之麓託詩畫以見意者頗吟詩集年九十餘卒莆田縣志

孫昌裔

孫昌裔字子長侯官人萬曆庚戌進士官浙江學政工書福建通志

施兆昂

施兆昂字顯昆福清人萬曆己未進士選翰林庶吉士學問淹
博工詩賦精書畫寸款尺牘人爭寶之閒佳山水輒心動常手
閒福廬三天門及靈巖嘯臺裡斗瑤諸蹟有館課西江集天尺
樓稿行世福建通志

朱繼祚

朱繼祚字五望莆田人萬曆己未進士改庶吉士改聲詩精書法善與人交同輩以長者尊事之歷禮部右侍郎會少宰故閣擬才望非繼祚不稱咨既出有欲奪之者私造誹謗祚欣然讓之聞者歎異焉莆田縣志

吳彬

吳彬字文中莆田人善山水工人物萬曆中召見授工部主事人得其片紙如獲奇珍福建通志

吳彬精山水兼善佛像神宗時入為供奉神宗嘉其畫彬奏曰臣所見南中邱壑限於方域願得至西蜀觀劍門峨眉之勝下筆或別有會心許來傳往及還畫益奇莆田縣志

吳彬人物形狀奇怪迥別舊人皆立門戶其白描鬼怪尤佳筆端秀雅神宗故稱賞之御府有歲外傳甚少國珍寶鑑錄彬山水布置絕不摹古最為出奇古文會要

文中人物佛像遠即不敢道子近亦足力敵松雪五部短

吳彬流寓金陵創曆間以能畫薦授中書舍人畫法宋唐規格
布置綽窵傳采炳麗雖林猴玉楮不足喻其工也曾繪月令圖
十二幅加上元清明端午中秋重九之類每月各設一景結構
精微細入無髮若妙造化風候八節四時於稽案間可謂極其
能事矣而佛像尤其所長文中雖以藝雄畫苑然頗負氣節其
畫品可謂顏丁雲鵬亦間用篆款無聲詩史

黃卷

黃卷連城人敦敏嗜學試輒冠軍以明經廷試歸母老不仕述
古著書最善真草書法俱工人多宗之連城縣志

張仁

張仁字守性沙縣人居貧力學善詩精楷書萬曆中為南雄訓
導

黃守中

黃守中字無言邵武人萬曆間布衣以孝友稱尤善繪事嘗挾其藝遊霞漳邑令王士昌重之會其兄士琦為川東道載與俱往慶豐間山水甲天下士琦苦短視守中一一為圖以示士琦大喜而性格清矯不肯說隨自蜀歸益王招之守中不往或以為諷守中曰某散人也豈能作王門客哉同里生黃應甲以高士稱之邵武府志

上官喜

上官喜號金雨光澤人性耽詩酒瀟灑出群工丹青及草書益藩慕其技遣監使賫禮以聘款留府中八載所得金帛悉以周親友貧乏毫無所吝後家貧不能待客妻蕭氏留客至親除環侍之晚年書畫益工人有歲其片紙者奉為拱壁各庵寺俱有題咏云光澤縣志

鄭元麟

鄭元麟字州極惠安人孝義鄭宣載承之孫父鶴山少歲書元麟少好學書尤工詩契先天太極宗旨自擇穴葬父廬墓三年嘗遊野江涉麻姑覽勝益藩三世皆為上客強之任力辭故里晚年改卜父墳仍廬其側門戶躬經卒年八十所著有近體詩若干首惠安縣志

李儼山

李儼山福建續志作儼仙失其名泰甯人性樸實善畫筆力甚老每以得墨高年八十猶能作山水人物花草禽魚一筆立成不假修飾建昌益王甚重之邵武府志

陳曾

陳曾泉州晉江人涪州州判善徑尺書福建續志

魏煙

魏煜字誠甫古田人以選貢倅壽州終唐府審理長不滿五尺而氣雄萬夫性嗜酒能詩善畫坎窔不遇卒使詩文散失諸生張璠為作傳輯其遺稿古田縣志

徐煥

徐煥字惟起又字興公閩縣人博學工文善草隸書詩集小傳煥博學工詩善書所著有筆精楷隸新檢閱畫記龍峰集紅雨樓集以布衣終閩縣記

錢受之云興公博學工文善隸書萬曆間與曹能始郭玉潤中詞盟後廷皆稱興公詩派南指齊云興公服書至數萬卷所居龍峰麓客從竹間入環堵蕭然而牙籤四圍繡綉之富卿侯不能敵也其方博精義詩自樂府歌行及近體無所不備明詩錄

胡應求

胡應求龍溪人官曲靖府經歷持廉秉正漢人稱之善詩文尤

精書法胡氏自草湖以來以行誼文學為渾所重雖仕不甚顯
而少明 龍溪縣志

胡應東善詩文精篆隸真草書 附書

李宗模

李宗模號小樵又號古樸子永安人工人物間寫山水白描亦
精綴秀雅 附書

李宗模山水森秀秀雅董宗伯其品命作劍津圖 延平府志

鍾尚端

鍾尚端武平人善畫尤工傳神 附書

童養靜 童養廉

童養靜養廉兄弟也連城人俱工畫 附書

孫萬益

孫萬益歸化人善寫翎毛 附書

李宏陳日炳附

李宏字義民龍溪人工諸體書華亭董文敏書具書聲請其書晚年以黃庭內外經一經一緯右軍書外景而不書內景殊缺事績書三千字補之結體工妙論者以爲如天女散花紫米麗密自然縹緲也王弱林于燕得片石爲玉枕蘭亭款其精絕但不知爲漳人耳所書黃庭一石數年前爲郡守張西園鎮購去尤爲近代絕手當時有陳日炳者雖相伯仲今遺蹟尚多

府志

陳範

陳範字伯時海澄人有弱冠執謝去應制業而或爲聲歌故自稱詩民工於臨池草隸珠聯其詩多致語險語而好用難韻律太守權龍大令國祥甚重之將少宰五育鄭觀憲懷魁尤倚爲契云晚好遠遊而入世殊拙與人語多誤然樸處偏解人頗

年四十餘卒

戴塘

戴塘長泰人官保輝長子承父蔭孝友謙退無貴介容善吟咏
工臨池增置祀田軍裝田以惠宗族施糜粥棺木捨漏澤園以
惠邑人邑人勒碑以頌曰葉秀甘穴苞彩鳳雖世祿弗侈好爵
是廢謙倬萬古學足三餘孝勤同視慈篤燕貽樂道懷德尊賢
重儒施木置園掩骼澤枯祖祀軍裝捐產增租庭有蘭玉門無
鼠狐翩翩公子濁世楷模有懷令德錫福通衢頌言仰止千載
弗渝歟後長子道鍾補陰贈將仕郎長泰縣志

陳登

陳登字龍淮連江人以氣節自持工書畫其詩歌古文詞類多
感慨著漁軒集福建通志

徐大淵

徐大淵字子晉龍溪人學丹青淡色點染黃全周助之流亞也
今所存遺幅粉墨剝蝕而神采猶炳煥云 漳州府志

丁輔立

丁朝立字劍川古田人工詩尤精書法與修邑來自號養恬居
士古田縣志

黃石符

黃石符字杞人福建人畫美人真閑廣袖霓髻云鬟頗得周坊
遺格無聲詩史

周鯤

周鯤莆田人官江西按察副使工文翰精書法 閩書

方洪

方洪莆田人善得書 閩書

陳廷泰

陳廷泰閩之連江人好學能詩字畫亦通動可受教立文集

溫恭

溫恭晉江人篤志經史善楷書鼓琴舉賢良方正

附書

王敦若

王敦若三山人少有志于用世既而以疾廢遂舍科舉之學益積博覽無所不造終為詩歌新麗可喜尤工行草書鼓立文集

方絢

方絢字君素永定人篤學力行好古文工詞賦書篆脫以八行舉辭不就隱居西山草堂門人稱濯錦先生

附書

黃應傳

黃應傳閩人詩文字畫兼工連歲詩草

吳應

吳應字允吉政和人太學生能詩尤工篆隸諧和恬適寓周志

邱山

邱山字安重莆田人知瑞安縣權監察御史終雲南按察副使
雅妙書法刻石崖州大忠祠一時重之聞書

林渠

林渠莆田人宿州同知工書聞書

林大楨

林大楨字及甫初名宅遠晉江人為平陽教諭書蒼勁有黃山
谷之致喜為人書日貯墨汁以應人求聞書

李璧

李璧自號介石晉江人教授鄉里工詩詞尤善草行筆畫遒勁
若老蛟結藤深得宋翼字法聞書

徐昆

徐昆莆田人善篆隸聞書

徐昆善畫山水

畫史會要

王衍相

王衍相蜀人篆刻聖教序一通於岳廟額欲亂真

宋燕巖記

張鵬

張鵬字應秋號雲程甌甯人發身儒林游心藝圃畫擅百家之
長書徵四體之妙尤工山水煙霧花草翎毛特其餘事耳

寶鑑齋集

休世理

休世理字朝夏福安人任吳川教諭好學能文工真草篆隸為
諸生獻策平倭纂修邑志興黃乾行吳重為文士交仕歸行樂
山水間所著有未陸辨程蘇辨諸書不識字解縮蠅集五卷日
格類抄三十卷

福安縣志

閩中書畫錄卷七

卷七

合眾圖書館

閩中書畫錄卷八

海鹽黃錫蕃徵升輯

明五

曾鯨

曾鯨字汝臣莆田人流寓金陵寫照入神金陵瑣事

曾鯨寫照妙入化工道子虎頭無多讓焉烏青文獻

曾鯨寫貌大小形像無不儼然如生魚得筆墨之靈衣紋配合
各得其當雖一幅而有數十人者行坐顧盼皆相決洽也聞聞
門庭前無古人也 國朝寶鑑續纂

曾鯨流寓金陵風神修整伏觀偉然所至手集以處迴廊曲室
位置滿灑磅礴寫照如鏡取影妙得神情其傳色淹潤照時生
動雖在指索盼睇頻笑咄咄逼真雖用坊之貌通即不夫過也
若軒冕之英嚴整之後閑房之秀方外之踪一經傳寫妍媸惟

肖然對面時精心體會人我部忘每圖一像烘染數十層出匠
心而後止其獨步藝林傾動遐邇非偶然也年八十三終無聲
詩史

謝在杭小影一幀予得見於龍峰坊肆士玉家堂頭隆準粹容
充悅極人枕葉就其所執之卷而舒之流觀盼睐翹若燕翔重
子煮茶石鼎沸聲松箱互答蓋曾鯨所寫也裕陰詩話

吳騫題曾鯨醉高士圖西齋微雨含黛著美人攜畫錦作幅正
屏寒具祛煩驚使我一見欽興豪借問伊誰伴吳銷波臣妙解
丹青色紀年猶是思陵朝百五十秋浩劫消烟玲螺藏通相違
姓氏莫辨劉與陶安知爾汝非神交一人茲歌約尤疏萬中半
帶糟邱糟眼花落井氣如潮口角流涎語啾啾一人抱琴虎步
趨回頭卻顧風飄倚分明無功同救難睡鄉有好思獨遯虎之
不去引可悟知音自古難其曹興來莫云須明朝請君更彈醉

翁操人生百歲同風狂有酒不醉仰屋梁不見古來賢達士往
往相與託此鄉求明本自吾之遠致與竹林無異匹弗思神州
遂陸沈昏昏日以酒送日醉今即向中山眠覺來又是崇禎年
欲歌太平琴無弦南柯底以全其天吁嗟乎嘗即當日寧無見
回首滄桑萬世變廟君什集醉士圖付與千秋醒眼看并經操
詩某

何棟

何棟泰甯人愛所居古柏蒼虬因號愛柏善草書筆勢如翔雲
鸞鳳自謂不減張芝也邵武府志

何春龍

何春龍字雲海泰甯人善畫梅逸趣橫生邵武府志

黃金聲

黃金聲號三臺泰甯人工繪事得宋元人遺意邵武府志

江月波

江月波以字行泰富人素履方正作枯梅墨竹蒼勁中饒奇氣
邵武府志

黃廣

黃廣連城人庠生活還安分寡言笑渾雕琢不事奔競性耽臨
池本邑學宮多其遺蹟有司雅重之作連城壁傳以見志其略
云十五失怙三十七始有家四十舉子一月而外鮮所得力窮
年訓誨時或為人傭書仰事俯育取給於斯所賦詩有莫笑曾
元徒有養曾元有養我何如無衣靡絮何慚子有母念始且弄
孫之句此可以得其行概矣連城縣志

林石湖

林石湖惠安人善寫真莊文學而楚贈以詩云世人寫真徒形
似石湖寫像使逼真傳神疑在阿堵上化工巧奪肖貌鈞古今

誰是稱名于長康韓昉斯其倫興來招君時黃鵠共君同遊汗
漫津曾孝廉為石湖長歌云畫事最難難寫真石湖林子稱傳
神往往記取眼前貌亦能追寫夢中人亦能非見亦非識以意
命之模亦得又云時或畫妍不畫醜十分只可畫八九此則文
家存忠厚斟酌尤堪出妙手節錄二詩可以知石湖畫品並可
以知石湖之為人矣惠安縣志

繆仲興

繆仲興字醇之號淡水福安庠生精繪事有倪瓚筆意人爭重
之又工詩著有一瓢稿福安縣志

柯士璜

柯士璜字無瑕莆田人善著色花卉莆田縣志

余紀

余紀字玉已莆田人善畫人莆田縣志

林白

林白字了白莆田人善畫馬莆田縣志

黃昇 陳元袞 廖經 陳寧 陳士傑

黃昇字子日陳元袞字爾華廖經字引公陳寧字當人陳士傑字桓之俱莆田人善山水莆田縣志

黃章 林澹 余璧

黃章字斐士林澹字清士余璧字子玉俱莆田人善人物莆田縣志

林霞

林霞字九文莆田人人物師黃章亦善美人莆田縣志

林洛鼎

林洛鼎字定于莆田人善八分書莆田縣志

顏見揆

顏光祿字孔叔永春人廷舉孫貢生廷試高等知邵陽縣歷知保安無為太倉三州善詩能書有祖風永春州志

趙珣

趙珣字叔斯莆田人原名之璧字十五初治舉子業嗜古好奇與時不合道棄去胸中磊砢之氣發之於詩歌清幽澹楚兼愛寫景屬沆瀣中飛鳴生動書亦娟均可觀顧不樂以書畫名當道有求者非其意不肯作平生嚴取與寡交遊與三山商孟和為至友沒偕葬於福州西郊石倉曾學佺嘗謂孫昌裔曰吾平生聞人頗多求其超然高潔有東晉名士風如趙叔斯指不多屈也其為當時推重如此莆田縣志

鄭騰雲

鄭騰雲字汝奇福清人天啟辛酉鄉薦知如皋縣有政聲以忤權要歸隱於漁溪之桃源以詩酒自娛精草法有草帖石刻十

卷行世 福建通志

林台衡

林台衡字兆清莆田人以詩畫名天啟元年舉於鄉莆田縣志

李鐸

李鐸字去筆號奎庵崇安人天啟元年選入南雍篤學履道有先政遺風不汲汲於祿仕晚受福州教授改革後格止更衣堂年近七旬猶於燈下註宋蔡博議守繩頭小楷有和林君復山居詩人以清節擬之晉名亭史曰書無言諸書重天工武夷山志

黃道周

黃道周字幼玄一字矯若號石齋漳州人博搜居覽書無不通詩文隸篆皆自成一家天啟壬戌進士選原吉士授編修歷官禮部尚書石齋行狀

黃道周論書字自以道媚為宗加之渾深不墜恍靡便是上流矣衛夫人稱右軍書亦云洞精筆勢道媚逼人而已虞褚而下逞奇露艷筆意偏往厚見蹊徑類柳體之振戈舞鉞千筆一意自此以運路不堪觀才妻不達乃詆前人以為軟美可歎也宋時不尚右軍今人尺輟松雪俱為淫適未得言詮石府集

黃道周工詩畫山水人物俱臻其妙國繪寶鑑續集

漳人之善書者推黃石齋其罕漳州府志

石齋能畫松畫魁見姜西溟作贊畫未目觀也漳州府志

黃石齋善畫人初不知也臨難前作水墨大畫二幅長松怪石極其磊落同錄五石軒

石齋先生通事崇禎某年余中丞集生與譚友夏結社金陵適石齋黃公來遊與訂交意頗洽黃公造次必於禮法諸公心嚮之而苦其拘也思試之故顧氏國色也聰慧通書史操節操歌

見者莫不心醉一日大雨雪觴黃公於金氏園使顧佐酒公意
色無忤諸公更勸酬酢飲大醉遂公卧持室榻上枕衾茵各一
使顧盡弛衣不隨鍵戶諸公伺焉公驚起索衣不得因引衾自
覆薦而命顧以茵卧茵厚且狹不可轉乃使就寢顧遂暱近公
公徐曰無用爾側身內向息數十轉即酣寢漏下四鼓覺轉而
向外顧伴寐無覺而以體傍公俄頃公酣寢如初詰旦顧出具
言狀且曰公等為名士賦詩飲酒是樂而已矣為聖為佛或忠
或孝終歸黃公及明亡公繫於金陵在獄日誦尚書周易數月
說加望正命之前夕有女僕持鍼線向公而泣曰是我侍主之
終事也公曰吾正而斃是為孝終汝何哀故人持酒肉與談飲
啖如平時酣寢達旦起盥漱更衣謂僕某曰曩某以卷宗書我
既許之言不可廢也和墨伸紙作小楷次行書幅甚長乃以大
字竟之加印章始出就刑其卷藏金陵某家顧氏自提公時自

慙無何歸某官李自成破京師謂其夫能死我先就慙夫不能
用語在指紳間一時以為美談焉方望溪吳

劉履丁

劉履丁為石廬畏友書畫精絕漳州府志

黃起龍

黃起龍莆田人天啟甲子鄉薦恬淡以詩畫名莆田縣志

林銘凡

林銘凡字祖冊莆田人天啟甲子舉璧經第一崇禎戊辰進士
授中書舍人壬申擢湖廣道監察御史乙亥督餉兩浙兩子巡
按江西泉副山東視察數日即請疾勇還歸構北邙別墅初衣
白逾購書數萬卷名畫法書參錯其間著述甚富有南憲遺稿
二卷暇日驅染煙墨太倉王奉常時敏稱謂深精畫理引陳無
己詩偃屈盡代氣萬里入咫尺二句以贈南還時厚召西堂堅

卧不出蓋知大匠將傾非一木所能支耳自是股愛積疴遂以
戊子六月長嘆而逝 莆田縣志

宋珏

宋珏字元玉莆田人家世仕宦不屑從鄉里衣冠浮湛微連年
三十負笈入太學遊金陵走吳越徧交其賢士大夫初從人扇
頭見程孟陽荔枝酒歌行求七載始識孟陽遂以兄事之因孟
陽以文予長身玉立神情軒舉間頗談笑不立崖岸其胸中涇
渭井如也善八分書規撫夏承碑蒼老雄健骨格新然畫出入
二宋仲圭子久不名一家而又流愛施易不自以為能事酒酣
歌罷筆騰墨飛或即席賦詩或當筵染翰書窗灑壁淋漓戲劇
或醒而自謂無以加又或旦而忘其誰作也人以其多易而親
之滯淫旅人默然不自得客死吳門其年也孟陽撫之乃瞑而
就舍子與孟陽欲留葬虞山不果返葬後十餘年金陵顧夢游

人間笑其老乞余為文代石以表之此玉為詩才情爛熳信腕疾書不加待擇持紙亦不留稿余取其嘉枝詞一首以為近古人風喻之遺今其遺稿刻于金陵者其里人所擬於非此玉意非某小傳

宋珪寫山水及喬柯文石行筆雄秀兼善臨池無聲詩史

宋比玉善八分書有聲吳越間後人競效之至用于國章古無是也問小記

莆田宋珪善八分而小詩亦工嘗記其一絕云未時梅瘦未成花別後垂楊金作芽他日相思如見畫板橋西望是吾家漁洋詩話

宋珪自號為散仙以八分書名工小畫亦居龍品吳中好事家頗有藏其書畫者武林汪積山蓄比玉山水條幅以圖老人題云書畫通靈儘可傳自稱身是嘉陵仙吳船歸葬閩山後風月

宋玉已十年比玉蓋沒於吳中而返英前四者也同遊詩話

宋玉

亦作

前明國子監生善畫其臨李伯時桐川圖長卷不設

色山石縱筆作掇帶致不拘拘於法余不得見李原本凡玉所
無或稍變通未可知因所曾見李畫無此種筆法也至圖中諸
景位置前後與右丞原本不同大抵伯時尤有變通矣然比玉
能脫畫畫史習氣自是士人高致其寫松樹尤秀絕國朝畫微
錄

宋玉精於詩畫天啟丁卯三月廿五日周林御史銘凡及二三
友人沉舟觀漲因欲至碧瀨不果遂造棠林少憩歸入舟作雨
景圖並題詩曰於板聲喧雨滿犁平時綠泛插秧齊孤舟直列
棠林外畔弄飛泉出小溪畫意清奇絕詩亦清新可愛又工八
分行草書體飲酒以斗求畫者多伺玉醉出戲請聽其揮灑疾
掃墨瀟淋漓時以為張顛復作片札雙字珍若拱壁畫出入

古人不知一家詩筆意興未嘗留稿有集十卷皆心賞者代為
摘拾非瑣意也客死石城歸葬於肯御史李嗣京按問而立墓
表其略曰文蔚玉句詩懷音遠琴心酒德風流傾江左之英書
聖畫祥麟求盡海外之使足畢其梗概矣肯曰縣志

此玉自題妻江欲雪圖妻江欲雪樹不動千家百家斷畫哄離
人夜半梅邊意懷君處作夢城夢吳越所見書畫錄

陸時化題宋此玉妻江欲雪圖妻江欲雪我曾經日暮凝寒風
略停酒旆盡此門盡閉滿船津楚倚沙汀一片荒寒腕底收宋
君墨妙世長留文人能事知難量萬雙千奇在筆頭浪遊還憶
廿年前夜夜團圓簾蕭管建最長歡娛容易散雪天歸路滯江邊
吳越所見書畫錄

方祖兆

方祖兆字昌祚莆田人工書法為世所推重與宋珏同時

莆田

蕭槐

蕭槐字植三泰甯人幼辟草形貌清羸長工畫瀟灑有異致嘗游南海峨嵋諸名勝足跡幾遍天下返里後畫益佳邵武府志

李良

李良字凝和閩中人真蹟罕覩畫史曾要

陳天台

陳天台字閻仙閩中人真蹟罕覩畫史曾要

江孔殷

江孔殷字而九別號豹隱泰甯人幼以孝友聞年二十後喪妻不再娶善畫所作山水小景淡遠得筆外意至花卉翎毛佳處常在邊韶呂紀間也嘗寓郡城以筆墨自怡至今零鱗尺幅人珍惜焉邵武府志

黃起有

黃起有字應似莆田人崇禎戊辰進士庶吉士授編修直起居注丁丑陞國子司業署祭酒歷左中允左諭德侍經筵日講掌制誥陞左庶子奉使江右過長洲聞閹賊陷京以母老遂歸母沒時起有年過七十猶為孺子哭著有惺山詩集若干卷善草書蒼秀妍婉絕得古人筆法世守珍之年八十三卒莆田縣志

周之變

周之變字章甫閩縣人崇禎辛未進士為人負氣節任事敢言授蘇州推官督元漕糧會太倉州劉士斗徇其州人議欲以本州輸額派分邑代司之變不忍邑民重困堅執弗從以此忤時素官解儒書書自給後居僧寺中卒福建通志

林泓

林泓字濟芳福建陽人輕財任俠凡持賦書畫六壬遊甲之學

周不究心登而舉武廟甲申入都過闕賦起上請纓疏時論壯
之部議格不行未逾月明亡歸浮沈詩酒所窮故黃術以濟人
大事記

陳燕翼

陳燕翼字仲謀侯官人崇禎甲戌進士官工科給事中工書法
福建通志

邱嘉彩

邱嘉彩字白夫泰甯人崇禎丙子鄉薦而戊戌後挈家奉母寓入
浮山以父遺田盡付兄子足跡不至城市二十餘年工書畫標
其款曰邱園福建通志

盧振明

盧振明龍溪人諱玄孫崇禎己卯舉人諱以善畫名振明龍世
其業人得其寸褚爭寶者之龍溪縣志

曾異撰

曾異撰字弗人侯官人崇初己卯舉於鄉詩有奇氣喜草書
建通志

林之著

林之著字孔碩號涵齋閩縣人崇禎癸未成進士授嘉興今自
幼喜畫山水落筆蒼潤韵致更自蕭疎其為文清肅有聲惟知
奉公潔己不善奉迎上官遂為驅使者所劾竟拂衣歸一畝一
衲寂隱山中因寫山水一幅寄別殷庵蓋其同門友也煙雲潑
墨點染精工上題絕句曰與君隔別幾經秋雲水無緣接舊遊
若問故人生計在石田茅屋隱山邱亦足想見其詩中有畫矣
無聲詩史

林望

林望字子野侯官人崇禎癸未進士知海甯縣慈惠愛人薊劬

好清一境肅清後元節年四十三著有居易堂集耻齋集哀山
東集稿草書 福州府志

胡舜發

胡舜發字起聖羅源人崇禎間諸生潛心力學嘗以筆墨作花
鳥自娛至闖賊陷京師烈皇命公執謝世務學家隱于山鄉
足跡不履公門 羅源縣志

陳瑞雲

陳瑞雲字有五惠安人崇禎間諸生精于文善書 惠安縣志

林宏衍

林宏衍號得山閩縣人由恩廩推民部郎深解書法 無聲詩史

黃晉良

黃晉良字朗伯閩縣人明季弟子貢得黃道周易家正三易洞
機二書窮年伏誦明平政往復之數重氣節善排難解紛人比

之曾仲連工詩古文詞長於書法通遊前楚吳粵間每托詩文以見志晚號東叟遷居三山之井上草堂所著古文詩歌若干卷福建通志

安行

安行南平諸生善書尤工小楷諸家法書手追力摹無不宛肖南平縣志

黃卷

黃卷字聖謨莆田人善山水美人圖繪寶鑑續卷

戴昂

戴昂字少昂莆田人精內家妝格韵高雅亞于黃卷莆田縣志

陳僧權

陳僧權字石人莆田人初名曾則諸生能詩善蘭竹圖繪寶鑑續卷

袁仲儒

袁仲儒字稱生崇安人工詩善書修有武夷山志明末以薦授
平遠令謹天工武夷山志

陳登元

陳登元字龍淮建江人明季以氣節自持工書畫其詩歌古文
詞類多感慨所著有漁邨詩文集謹爲廣代山集茶壻龍鶴集
海錯圖贊福建通志

楊祺

楊祺字吉生龍溪人漳州衛執事也父補弟子寅能文工詩而
成後結茅于北山語雲峰群情書畫尺幅寸紙人爭首之年九
十六卒福建通志

楊喬岳

楊喬岳字季平龍溪人能詩賦善楷法明社既屋棄諸生放浪

山水間築室於越之西子湖與僧白漢為方外友著有太室集
北溪集志

鄭倫

鄭倫字道五一字胎聖邵武人明末諸生善詩尤工書繪學使
郭之奇重之其書畫博仿諸家邇得意時即浮大白家有園池
築亭曰種秋諸文士嘗吟嘯其中嘗自題秋山圖曰秋山不可
窮日暮煙雲織彩朱片幅中離離妙何極邵武府志

陳布衣

世言陳布衣畫片紙無存漳州府志

徐鍾震

徐鍾震字器之閩縣人幼孫延壽子有雷撰集善楷書
編建通志

徐勣字惟起閩縣人博學工文與兄璉齊名精草隸書性嗜古

聚書至數萬卷卿侯不能敵也著有徐氏筆精摺陰新檢點而
樓集麓峰集子延壽字存水詞賦激昂有尺木堂稿孫鍾震字
器之有雪照集善楷書 福建通志

林汝元

林汝元者閩王粹夫家青衣也工書善詩其漢行云雪壓梅
花破霜侵楓葉稀村間黃犢卧沙際白鷗飛水忠灘聲亂溪迴
樹影微前峰新月吐猿猴踏歌歸別家云悵別不能惟他鄉出
戶門欲道千里遠難計幾時還宿走雪邊后行經雪裡山悠悠
溪上水雙汨共海流送人云落木亂蕭蕭休去路遙馬經山
縣市青蓬海門潮楓葉含霜鮮梅花破雪嬌不禁離別淚頻逐
朔風飄幾欲青而塵盡無惜未巡陶鑄而為巨寶好羅代為典
記得意之語半為他人拾取無何而卒 小羊齋詩話